

**საჯარო სამართლის იურიდიული პირი –
ბათუმის შოთა რუსთაველის სახელმწიფო უნივერსიტეტი**

ბრძანება # 01-02/33

ქ. ბათუმი

07 მარტი, 2019 წ.

**2019 წლის მაისში ბსუ-ს სტუდენტური საუნივერსიტეტო სამეცნიერო კონფერენციის
ჩატარების ვადების შესახებ**

„უმაღლესი განათლების შესახებ“ საქართველოს კანონის მე-22 მუხლის, წესდების მე-13 მუხლის, „საჯარო სამართლის იურიდიული პირი - ბათუმის შოთა რუსთაველის სახელმწიფო უნივერსიტეტში სტუდენტური საუნივერსიტეტო სამეცნიერო კონფერენციის ჩატარების დებულების დამტკიცების თაობაზე, ბსუ-ს წარმომადგენლობითი საბჭოს 2018 წლის 26 თებერვლის N02 გადაწყვეტილებისა და სტუდენტთა კარიერული განვითარების, კულტურისა და სპორტის დეპარტამენტის სტუდენტთა კარიერული განვითარებისა და მხარდაჭერის განყოფილების მთავარი სპეციალისტის მოვალეობის შემსრულებლის, გოჩა სურგულაძის 2019 წლის 5 მარტის # 266716 მოხსენებითი ბარათის საფუძველზე,

ვ ბ რ ძ ა ნ ე ბ:


1. 2019 წლის მაისში, სტუდენტთა საუნივერსიტეტო სამეცნიერო კონფერენციის ჩატარების ვადები განისაზღვროს შემდეგნაირად:

- ა) ბსუ-ს თითოეული დარგობრივი დეპარტამენტების მიერ არაუმეტეს 10 პრიორიტეტული საკონფერენციო საკითხის (თემატიკის) განსაზღვრა (სამსახურებრივი ბარათი დეკანის ვიზირებით წარედგინება ბსუ-ს რექტორს) – 2019 წლის 14 მარტი;
- ბ) დარგობრივი დეპარტამენტების მიერ წარმოდგენილი საკონფერენციო საკითხების სტუდენტთა კარიერული განვითარების, კულტურისა და სპორტის დეპარტამენტის მიერ სტუდენტურ პორტალზე განთავსება (რეგისტრაცია ელექტრონულად: Portal.bsu.edu.ge-ზე) – 2019 წლის 15 მარტი;
- გ) სტუდენტთა მიერ სამეცნიერო ნაშრომის სათაურისა და სამეცნიერო ხელმძღვანელის დარეგისტრირება სტუდენტურ პორტალზე – 2019 წლის 16 მარტიდან 31 მარტის ჩათვლით;
- დ) სტუდენტთა მიერ სამეცნიერო ნაშრომის, ნაშრომის ორიგინალობის (პლაგიატის არასებობის შესახებ) და სამეცნიერო ხელმძღვანელის წერილობითი დასკვნის (წინამდებარე წესთა შესაბამისობის შესახებ) განთავსება/დარეგისტრირება სტუდენტურ პორტალზე – 2019 წლის 1 აპრილიდან 29 აპრილის ჩათვლით;
- ე) სტუდენტთა კარიერული განვითარების, კულტურისა და სპორტის დეპარტამენტის მიერ სტუდენტურ პორტალზე განთავსებული სტუდენტთა ნაშრომების ელექტრონული

- საქმისწარმოების შესაბამისად მიწოდება შესაბამისი ფაკულტეტის დარგობრივი დეპარტამენტებისათვის - 2019 წლის 30 აპრილი;
- ვ) სამეცნიერო ნაშრომების შეფასება შესაბამისი ფაკულტეტის დარგობრივი დეპარტამენტების მიერ (სამეცნიერო ნაშრომების შეფასების I ეტაპი - კონფერენციაზე წარდგენის შემთხვევაში საერთო შეფასების 3/5-ის (30 ქულის) ფარგლებში) – 2019 წლის 1 მაისიდან 12 მაისის ჩათვლით;
- ზ) დარგობრივი დეპარტამენტების მიერ შეფასებული ნაშრომების (თითოეული დარგობრივი დეპარტამენტიდან არანაკლებ 5 და არაუმეტეს 10 ნაშრომის) შესახებ ინფორმაციის (მინიჭებული ქულების მითითებით) ბსუ-ს რექტორისათვის წარდგენა - 2019 წლის 13 მაისი;
- თ) სტუდენტთა კარიერული განვითარების, კულტურისა და სპორტის დეპარტამენტის და სამეცნიერო კვლევების სამსახურის კოორდინირებული მუშაობით დარგობრივი დეპარტამენტებიდან მიღებული ინფორმაციის დამუშავება და დარგობრივი მიმართულებების მიხედვით არაუმეტეს 10 საუკეთესი ნაშრომის გამოვლენა (შეირჩევა ის ნაშრომები, რომელთაც დარგობრივი დეპარტამენტის 3-წევრიანი კომისიის შეფასების მიხედვით მიღებული აქვთ არანაკლებ 16 ქულა. საუკეთესო ნაშრომები შეირჩევა რიგითობით ზემოდან ქვემოთ, 30-დან 16 ქულამდე) - 2019 წლის 14 მაისი;
- ი) სტუდენტთა კარიერული განვითარების, კულტურისა და სპორტის დეპარტამენტის მიერ წინამდებარე დებულებისა და ბსუ-ს რექტორის ბრძანებით დადგენილი მოთხოვნების გათვალისწინებით კონფერენციის პროგრამის შედგენა და განთავსება ბსუ-ს ოფიციალურ ვებგვერდზე და სტუდენტურ პორტალზე. პროგრამაში უნდა მიეთითოს თითოეული სექციის მუშაობის დრო და ადგილი (სექცია იქმნება სამეცნიერო დარგის/მიმართულების მიხედვით, თუ წარმოდგენილია მინიმუმ 5 სამეცნიერო ნაშრომი, წინააღმდეგ შემთხვევაში სამეცნიერო ნაშრომი დარეგისტრირდება მომიჯნავე სამეცნიერო დარგის სექციაში, ასეთის არსებობის შემთხვევაში) – 2019 წლის 15 მაისი;
- კ) სტუდენტთა კარიერული განვითარების, კულტურისა და სპორტის დეპარტამენტის და სამეცნიერო კვლევების სამსახურის კოორდინირებული მუშაობით კონფერენციის საორგანიზაციო კომიტეტისა და კონფერენციაზე წარმოდგენილი ნაშრომების შემფასებელი კომისიის შემადგენლობის განსაზღვრის შესახებ ბსუ-ს რექტორის აქტის პროექტის მომზადება და წარდგენა - 2019 წლის 17 მაისი;
- ლ) კონფერენციის გამართვა, კონფერენციაზე საჯაროდ წარმოდგენილი ნაშრომების შესაბამისი კომისიის მიერ შეფასება და კომისიის ოქმის ბსუ-ს რექტორისათვის წარდგენა - 2019 წლის 25-26 მაისი;

- მ) კონფერენციაზე წარმოდგენილი ნაშრომების შემფასებელი კომისიის ოქმის საფუძველზე სტუდენტთა კარიერული განვითარების, კულტურისა და სპორტის დეპარტამენტის მიერ კონფერენციის მონაწილე სტუდენტების დაჯილდოების შესახებ ბსუ-ს რექტორის ბრძანების პროექტის მომზადება და წარდგენა – 2019 წლის 27 მაისი.
2. სტუდენტთა რეგისტრაცია და საკონფერენციო ნაშრომების წარმოდგენა განხორციელდეს ელექტრონულად, სტუდენტთა ელექტრონულ პორტალზე (Portal.bsu.edu.ge).
3. ბრძანება საჯარო გამოცხადების მიზნით განთავსდეს უნივერსიტეტის ვებგვერდზე, ასევე გასაცნობად და სახელმძღვანელოდ დაეგზავნოს ბსუ-ს რექტორის მოადგილეებს, ადმინისტრაციის ხელმძღვანელსა და შესაბამის სტრუქტურულ ერთეულებს: სტუდენტთა კარიერული განვითარების, კულტურისა და სპორტის დეპარტამენტს, სამეცნიერო კვლევების სამსახურს, საზოგადოებასთან ურთიერთობის სამსახურს, საინფორმაციო ტექნოლოგიების სამსახურსა და ბსუ-ს ფაკულტეტებს.
4. ამ ბრძანების შესრულებაზე კონტროლი დაევალოს რექტორის მოადგილეს ნათელა წიკლაშვილს.
5. ბრძანება ძალაშია ხელმოწერისთანავე.

რექტორი,
ასოცირებული პროფესორი



ა. ხალვაში